


Քննարկվել և հավանության է արժանացել
ՀՀ ԿԳՄՍՆ «Չարենցավանի պետական քոլեջ» ՊՈԱԿ-ի
մանկավարժական խորհրդի
«30» 12 2023 թ. № 4 նիստում

Հաստատվել է՝
ՀՀ ԿԳՄՍՆ «Չարենցավանի պետական քոլեջ» ՊՈԱԿ-ի
Կոլեգիալ կառավարման խորհրդի «15» 01 2024 թ.
N 1-24 նիստում, խորհրդի նախագահ՝  Ս. Դավիդյան
/նորոգություն/



**ՀՀ ԿԳՄՍՆ «ՉԱՐԵՆՑԱՎԱՆԻ ՊԵՏԱԿԱՆ ՔՈԼԵՋ» ՊՈԱԿ-Ի
ՈՐԱԿԻ ԱՊԱՀՈՎՄԱՆ ԳՈՐԾԸՆԹԱՑՆԵՐՈՒՄ ՆԵՐՔԻՆ ԵՎ
ԱՐՏԱՔԻՆ ՇԱՀԱԿԻՑՆԵՐԻ ՆԵՐԳՐԱՎՎԱԾՈՒԹՅԱՆ
ՔԱՂԱՔԱԿԱՆՈՒԹՅՈՒՆ**

1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն փաստաթղթով սահմանվում է «Չարենցավանի պետական քոլեջ» ՊՈԱԿ-ի (այսուհետ՝ քոլեջ) որակի ապահովման գործընթացներում ներքին և արտաքին շահակիցների ներգրավվածության քաղաքականությունը և ներգրավվածության ապահովման մեխանիզմները:

2. ԲՈՒՆԶԻ ՇԱՀԱԿԻՑՆԵՐԸ

2.1. Քոլեջի «շահակից» է համարվում այն անձը (անձինք) կամ կառույցը, ով իր գործունեությամբ անմիջականորեն ազդում է քոլեջի գործունեության վրա կամ կրում է քոլեջի գործունեության ազդեցությունը: Այդ տեսակետից մենք առանձնացնում ենք քոլեջի հիմնական շահակիցների երկու խումբ՝

- Ներքին շահակիցներ (ուսանողներ, դասախոսական, վարչական և ուսումնասօժանդակ կազմեր),
- Արտաքին շահակիցներ (շրջանավարտներ, աշխատաշուկայի ներկայացուցիչներ (գործատուներ), դիմորդներ, ծնողներ, ոլորտի պետական և մասնագիտական կառույցներ (համագործակցող քոլեջներ և կազմակերպություններ, պետական կառավարման մարմիններ, Մասնագիտական կրթության որակի ապահովման ազգային կենտրոն) և այլն):

3. ՇԱՀԱԿԻՑՆԵՐԻ ՆԵՐԳՐԱՎՎԱԾՈՒԹՅԱՆ ՄԵԽԱՆԻԶՄՆԵՐԸ

Որակի ապահովման գործընթացներում քոլեջի շահակիցների ներգրավվածության մեխանիզմները կարող են լինել՝

- 3.1. ընդգրկվածությունը քոլեջի կառավարման տարբեր մակարդակի խորհուրդներում և այլ կառույցներում՝ որպես այդ մարմինների լիարժեք անդամներ,
- 3.2. աշխատանքը քոլեջի որակի ներքին ապահովման կենտրոնում՝ որպես շահակիցների ներկայացուցիչներ,
- 3.3. մասնակցությունը որակի ներքին ապահովման գործընթացների հետ կապված աշխատանքներին,

- 3.4. մասնակցությունը քոլեջում կազմակերպվող տարատեսակ հարցումներին՝ որպես հարցվողներ, ինչպես նաև դրանց կազմակերպման և իրականացման աշխատանքներին,
- 3.5. մասնակցությունը մասնագիտությունների կրթական ծրագրերի մշակման, մշտադիտարկման և վերանայման գործընթացներին,
- 3.6. ընդգրկվածությունը ինստիտուցիոնալ կարողությունների և մասնագիտությունների կրթական ծրագրերի ինքնավերլուծություն իրականացնող աշխատանքային խմբերում,
- 3.7. մասնակցությունը անհատական դեմառդեմ կամ հեռախոսային հարցազրույցներին և հարցումներին, ինչպես նաև էլեկտրոնային փոստով կամ կայքերով հաղորդակցմանը:

4. ՇԱՐՎԱԿԻՑՆԵՐԻ ՆԵՐԳՐԱՎՄԱՆ ՆՊԱՏԱԿՆԵՐԸ

Որակի ապահովման գործընթացներում շահակիցների ներգրավվածության նպատակն է՝

- 4.1. ապահովել որակի ապահովման գործընթացների մասնակցային բնույթը,
- 4.2. ապահովել բոլոր շահակիցների համար համաձայնեցված մոտեցում որակի ապահովման գործընթացների և դրանց արդյունքների կիրառության վերաբերյալ,
- 4.3. նպաստել կառավարման գործընթացներում շահակիցների արդյունավետ համագործակցությանը և որոշումների թափանցիկ կայացմանը,
- 4.4. նպաստել որակի մշակույթի ձևավորման մեջ տարբեր շահակիցների ներդրումներին,
- 4.5. քոլեջում ձևավորել մթնոլորտ, երբ բոլոր շահակիցներն են պատասխանատվություն կրում արդյունքների որակի համար:

5. ՆԵՐՔԻՆ ՇԱՐՎԱԿԻՑՆԵՐԻ ՆԵՐԳՐԱՎՎԱԾՈՒԹՅՈՒՆԸ

5.1. Ուսանողների ներգրավվածությունը պետք է ապահովել՝

- 5.1.1. քոլեջի կոլեգիալ կառավարման մարմնում՝ խորհրդում ձայնի իրավունքով,

- 5.1.2. իրենց կարիքների վերհանման գործընթացում որպես որակի ապահովման գործընթացների շահակիցների ինքնակառավարման մարմինների (ուսանողական խորհուրդ) ներկայացուցիչներ,
- 5.1.3. կրթական ծրագրերի բովանդակության, ուսուցման մեթոդաբանության և ուսումնական գործընթացի կազմակերպման գնահատման գործընթացներում,
- 5.1.4. դասախոսական կազմի դասավանդման որակի և վարչական կազմի գործունեության գնահատման գործընթացներում,
- 5.1.5. քոլեջի կողմից առաջարկվող ծառայությունների և ուսումնառության ռեսուրսների գնահատման գործընթացներում,
- 5.1.6. քոլեջի ուսումնական միջավայրի գնահատման գործընթացներում:

5.2. Դասախոսական կազմի ներգրավվածությունը պետք է ապահովել՝

- 5.2.1. քոլեջի կոլեգիալ կառավարման մարմնում խորհրդում ձայնի իրավունքով,
- 5.2.2. ուսումնական գործընթացին առնչվող խորհուրդներում,
- 5.2.3. մասնագիտությունների կրթական ծրագրերի մշակման, վերանայման և բարելավման գործընթացներում,
- 5.2.4. առարկայական դասընթացների ծրագրերի մշակման, վերանայման և բարելավման գործընթացներում,
- 5.2.5. փոխադարձ դասալսումների իրականացման և վերլուծության գործընթացներում,
- 5.2.6. ինստիտուցիոնալ կարողությունների և մասնագիտությունների կրթական ծրագրերի ինքնավերլուծության գործընթացներում,
- 5.2.7. քոլեջի կրթական գործունեության գնահատման և իրենց կարիքների վերհանման գործընթացում,
- 5.2.8. աշխատանքային միջավայրի գնահատման գործընթացներում,
- 5.2.9. քոլեջի ռեսուրսների գնահատման գործընթացում:

5 ԱՐՏԱՔԻՆ ՇԱՀԱԿԻՑՆԵՐԻ ՆԵՐԳՐԱՎՎԱԾՈՒԹՅՈՒՆԸ

- 6.1. Շրջանավարտների ներգրավվածությունը պետք է ապահովել՝

- 6.1.1. կրթական ծրագրերի բովանդակության, ուսուցման մեթոդաբանության և ուսումնական գործընթացի կազմակերպման գնահատման գործընթացներում,
- 6.1.2. դասախոսական կազմի դասավանդման որակի և վարչական կազմի գործունեության գնահատման գործընթացներում,
- 6.1.3. քոլեջի կողմից առաջարկվող ծառայությունների և ուսումնառության ռեսուրսների գնահատման գործընթացներում,
- 6.1.4. քոլեջի ուսումնական միջավայրի գնահատման գործընթացներում:

6.2. Գործատուների ներգրավվածությունը պետք է ապահովել՝

- 6.2.1. քոլեջի կոլեգիալ կառավարման մարմնում՝ խորհրդում ձայնի իրավունքով,
- 6.2.2. մասնագիտությունների կրթական ծրագրերի մշակման, գնահատման և վերանայման գործընթացներում,
- 6.2.3. շրջանավարտների ամփոփիչ ատեստավորման և ավարտական քննությունների անցկացման և գնահատման գործընթացներում,
- 6.2.4. արտադրական պրակտիկայի արդյունքների ամփոփման և գնահատման գործընթացներում,
- 6.2.5. քոլեջի որակի ապահովման այլ գործընթացներում:

6.3. Արտաքին գնահատողների (փորձագետների) ներգրավվածությունը պետք է ապահովել՝

- 6.3.1. ինստիտուցիոնալ կարողությունների և մասնագիտությունների կրթական ծրագրերի արտաքին փորձաքննության գործընթացներում,
- 6.3.2. քոլեջի որակի ապահովման այլ գործընթացներում: